



Broj: 02-04-1357/25

Datum, 17.12.2025. godine

Na osnovu člana 10. stav 2. Odluke o ustanovljenju i dodjeljivanju općinskih priznanja ("Službene novine općine Doboj Istok", broj 1/06, 4/06, 2/11 i 4/12) Komisija za izbor, imenovanja i dodjelu općinskih priznanja, raspisuje:

J A V N I P O Z I V

**za dostavljanje mišljenja i inicijativa za dodjelu društvenih priznanja
općine Doboj Istok**

I

Društvena priznanja općine Doboj Istok dodjeljuju se pojedincima, mjesnim zajednicama, kulturnim i sportskim društvima, udruženjima, javnim ustanovama, državnim organima, privrednim subjektima i drugim organima i organizacijama.

II

Priznanja za koja se mogu dati mišljenja i inicijative su:

- 1 (jedna) Plaketa općine Doboj Istok,
- 3 (tri) Zlatne značke općine Doboj Istok,
- 4 (četiri) Pismene zahvalnice općine Doboj Istok.

III

Prilikom dodjele općinskih priznanja vodit će se računa da se jedna zlatna značka i dvije pismene zahvalnice dodjeljuju po osnovu doprinosa u odbrani zemlje, a na prijedlog boračkih organizacija.

Priznanja Općine dodjeljivat će se iz slijedećih oblasti:

1. doprinos u odbrani zemlje
2. doprinos za privredni razvoj
3. doprinos za društveni, kulturni i sportski razvoj i
4. doprinos u zaštiti i spašavanju ljudskih života i imovine

Kriteriji za dodjelu općinskih priznanja:

1. Doprinos u odbrani općine Doboj Istok je:

- da je učesnik Armije BiH od 15.04.1992.godine do potpisivanja Dejtonskog sporazuma,
- da ima prednost ako ima odlikovanje ili pohvalu od nadređene komande.

2. Doprinos za privredni razvoj je:

- da je osnovao firmu koja zapošljava najmanje: 20 radnika za plaketu općine, 10 radnika za zlatnu značku i 5 radnika za pismenu pohvalu,
- da firma u skladu sa zakonom ispunjava svoje obaveze prema državi,
- da je davao donacije za opšti društveni razvoj.

3. Doprinos za društveni, kulturni i sportski razvoj je:

a) Društveni razvoj

- doprinos u razvoju mjesne zajednice,
- doprinos u razvoju općine,
- doprinos u razvoju nevladinog sektora.

b) Sportski razvoj

- bavljenje sportom najmanje 5 godina i da je bio državni reprezentativac,
- najmanje osvojena medalja: za plaketu općine najmanje nivo BiH, za zlatnu značku najmanje nivo FBiH, za pismenu zahvalnicu najmanje nivo kantona za pojedince ili ekipu koja se takmiči preko Sportskog saveza,
- za ekipe koje uđu u viši rang takmičenja,
- za sportske radnike čija ekipa ili pojedinac uđu u viši rang takmičenja ili osvoji medalje na takmičenju koji organizuje Sportski savez,
- uspješno radi sa djecom i omladinom (masovni vidovi sporta).

c) Kulturni razvoj

- uspješno radi sa djecom i omladinom i učestvuje u takmičenju u zemlji i inostranstvu,
- izdao knjige, publikacije, video zapise i sl. koje imaju veći tiraž.

4. Doprinosi u zaštiti i spašavanju ljudskih života i imovine su:

- spasio najmanje jedan život za vrijeme požara, poplave i druge nesreće,
- spašavao imovinu građana, privrednih subjekata, objekata infrastrukture i sl. za vrijeme požara, poplave i druge nesreće,
- zaštita ljudi i imovine od provala, krađa, razbojništva, terorizma i sl.

Priznanja će se dodjeljivati i uručivati na Dan općine, osim priznanja po osnovu doprinosa u odbrani općine Doboj Istok koja će se uručivati na sjednici Općinskog vijeća povodom Dana brigade.

IV

Sastavni dio Javnog poziva je izjava o davanju saglasnosti za korištenje ličnih podataka koju potpisuje lice koje se predlaže za općinsko priznanje. Mišljenja i inicijative sa potpisanom izjavom dostaviti sa naznakom na koverti „Prijava na Javni poziv za dostavljanje mišljenja i inicijativa za dodjelu društvenih priznanja općine Doboj Istok „ – NE OTVARAJ, na adresu Općina Doboj Istok, 74207 Klokotnica, Komisija za izbor, imenovanja i dodjelu općinskih priznanja Općinskog vijeća Doboj Istok do 12. januara 2026. godine. Javni poziv bit će objavljen na oglasnoj tabli i web stranici Općine Doboj Istok 22.12.2025. godine.

Mišljenja i inicijative za dodjelu društvenog priznanja općine treba da sadrži podatke i dokaze na osnovu kojih se lice predlaže za određeno društveno priznanje sa obrazloženjem i priloženu izjavu da je predloženo lice saglasno za korištenje njegovih ličnih podataka u postupku donošenja Odluke o dodjeli općinskih priznanja.

Mišljenje i inicijativa treba sadržavati sve potrebne podatke i dokumente navedene u tekstu Javnog poziva. Neuredne i neblagovremene inicijative i mišljenja neće se uzimati u razmatranje.



PREDSJEDNIK
KOMISIJE ZA IZBOR, IMENOVANJA I
DODJELU OPĆINSKIH PRIZNANJA

Demir Mešić